

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**JP "Međunarodni aerodrom Tuzla"d.o.o.**

Broj:01/I-1089- 9 /23  
G.Dubrave, 11.09..2023.godine

Na osnovu člana 69. stav 1. tačka a) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14 i 59/22), te prijedloga Komisije za provedbu postupka javne nabavke na JP „Međunarodni aerodrom Tuzla“d.o.o., u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

**O D L U K U**  
**o izboru najpovoljnijeg ponuđača**

**I**

Ponuda ponuđača **MIGROS d.o.o. SARAJEVO**, za ponuđenu cijenu od **27.050,00 KM** bez PDV-a proglašava se najpovoljnijom, te se imenovanom ponuđaču dodjeljuje Ugovor o nabavci **kolica za prtljag** na JP „Međunarodni aerodrom Tuzla“ d.o.o..

**II**

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

**IV**

Ova Odluka stupa na snagu danom donošenja, i objavit će se na web-stranici: [www.tuzla-airport.ba](http://www.tuzla-airport.ba) u skladu sa članom 70. stav 6. Zakona o javnim nabavkama.

## *O b r a z l o ž e n j e*

Temeljem Odluke o pokretanju postupka broj: 01/I-1089/23 od 19.07.2023.godine, pokrenut je konkurentski zahtjev za nabavku kolica za prtljag, ukupne procijenjene vrijednosti 30.000,00 KM.

Rok za dostavljanje ponuda bio je 07.08.2023. godine do 10:00 sati. Javno otvaranje ponuda izvršeno je u 10:30 sati dana 07.08.2023. godine što je konstatovano zapisnikom sa otvaranja ponuda broj: 01/I-1089-7/23. Zapisnik sa otvaranja ponuda dostavljen je ponuđačima u skladu sa zakonskim i podzakonskim aktima.

Nakon izvršenog otvaranja ponuda, komisija je dana 07.08.2023. godine pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora bio je „NAJNIŽA CIJENA“.

Prema zapisniku o zaprimanju ponuda broj 01/I-1089-6/23, Komisija je konstatovala da se za nabavku prijavilo 3 ponuđača i to:

1. MIGROS d.o.o. SARAJEVO, čija je ukupna cijena ponude 30.000,00 KM bez PDV-a
2. BOLC d.o.o. TESLIĆ, čija je ukupna cijena ponude 30.000,00 KM bez PDV-a
3. APS AVIATION PARTS SERVICE d.o.o. BEOGRAD, čija je ukupna cijena ponude iznosila 29.728,62 KM (15.200,00 EUR po kursnoj listi Centralne Banke BiH na dan 07.08.2023.godine)

Uvidom u ponudu broj 1 ponuđača MIGROS d.o.o. SARAJEVO ustanovljeno je da sadrži svu dokumentaciju zahtjevanu tenderskom dokumentacijom, te ispunjava uslove tražene tenderskom dokumentacijom i ista može biti predmetom vrednovanja primjenom kriterija „NAJNIŽA CIJENA“. Komisija je jednoglasno konstatovala da je ponuda prihvatljiva.

Komisija je nastavila sa evaluacijom pristiglih ponuda, te je konstatovala uvidom u priloženu dokumentaciju i suštinskom provjerom sadržaja i validnosti dokumentacije, da ponuda broj 2 ponuđača BOLC d.o.o. Teslić sadrži svu traženu dokumentaciju. Uvidom u dostavljene tehničke specifikacije ponuđene robe Komisija je ustnovila da: je ponuđena ukupna širina 1400mm a tražena maksimalno 1300mm; ukupna visina 1350mm a tražena maksimalno 1300mm, maksimalni nagib punih kolica 7%, kao da I nema informacija o kočnicama kako je to traženo tenderskom dokumentacijom. Komisija je jednoglasno konstatovala da ponuda nije u skladu sa tenderskom dokumentacijom i kao takva je nepravilna, te ne može biti predmetom vrednovanja primjenom kriterija „NAJNIŽA CIJENA“.

Uvidom u ponudu broj 3 ponuđača APS AVIATION PARTS SERVICE d.o.o. BEOGRAD ustanovljeno je da sadrži svu dokumentaciju zahtjevanu tenderskom dokumentacijom, te ispunjava uslove tražene tehničkom specifikacijom i ista može biti predmetom vrednovanja primjenom kriterija „NAJNIŽA CIJENA“. Komisija je jednoglasno konstatovala da je ponuda prihvatljiva.

Dana 21.08.2023. zakazana je e-aukcija sa početkom u 11:00 sa početnim ponudama:

1. AVIATION PARTS SERVICE DOO u iznosu od 29.728,62 KM bez PDV-a
2. MIGROS DOO u iznosu od 30.00,00 KM bez PDV-a

Prema Izvještaju o toku i završetku e-aukcije, e-aukcija je završena 21.08.2023.godine u 11:50:00 sa konačnom rang listom ponuđača:

1. MIGROS DOO sa ukupnim umanjnjem cijene od 9,83% u odnosu na početnu ponudu iznosi: 27.050,00 KM bez PDV-a.
2. AVIATION PARTS SERVICE DOO sa ukupnim umanjnjem cijene od 8,91% u odnosu na početnu ponudu iznosi: 27.080,00 KM bez PDV-a.

Temeljem iznešenih činjenica Komisija za provođenje postupka nabavke kolica za prtljag na JP „Međunarodni aerodrom Tuzla“ d.o.o. jednoglasno je konstatovala da postoje uslovi za izbor najpovoljnijeg ponuđača, te predložila Upravi ugovornog organa da donese Odluku o izboru najpovoljnijeg ponuđača i Ugovor o nabavci kolica dodijeli ponuđaču MIGROS d.o.o. SARAJEVO, čija ukupna cijena ponude iznosi 27.050,00 KM bez PDV-a, a u skladu sa članom članom 69. stav 1. tačka a) kao i članom 70. Zakona o javnim nabavkama BiH.

Na osnovu prijedloga Komisije za provođenje postupka javne nabavke za nabavku predmetne robe na JP „Međunarodni aerodrom Tuzla“ d.o.o., donesena je odluka kao u dispozitivu.

**PRAVNA POUKA:** Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

**Dostavljeno:**

1 x Ponuđačima

1 x Evidenciji

1 x a/a



**DIREKTOR**

*Halilović Dževad*  
**Dževad Halilčević**